

ՀԱՆՐԱՊԵՏԱԿԱՆ ԱՌԱՐԿԱՅԱԿԱՆ ՕԼԻՄՊԻԱԴԱ

ՀԱՅ ԳՐԱԿԱՆՈՒԹՅՈՒՆ

ՍԱՐՁԱՅԻՆ ՓՈՒԼԻ ՀԱՐՑԱՇԱՐԻ

ՊԱՏԱՍԽԱՆՆԵՐ

11-ՐԴ ԴԱՍԱՐԱՆ

1.«...Եվ սիրտը մոր ասավ տխուր, լացակումած,-

-Վայ, ինեղձ տղաս,

Ոչ մի տեղըդ չը ցավա՞ց»:

(2.5)

➤ Իմաստով շատ մոտ ի՞նչ տողեր ես հիշում: (1.5)

➤ Ո՞ւմ գրչին են դրանք պատկանում: (1)

Պատասխան՝

- «-Երթաս բարով, Աստված քեզ հետ,

Ոտքըդ քարին թող չըգա.

Տըղա՛ս, վերցրու պարկը քեզ հետ,

Պարկը տանը պետք կը գա»:

- Ավ. Իսահակյան

2. Տրապիզոնի շոգենավից դուրս եկած և Ղալաթիո նավամատույցի վրա կանգնած ճամփորդը

(3.5)

➤ Ո՞ր «պատվական փողոց»-ը պիտի հասներ: (0.5)

➤ Ո՞վ էր ճամփորդը: (0.5)

➤ Փորձի՛ր կերտել հերոսի դիմանկարը պարոնյանական ոճով: (2.5)

Պատասխան՝

- Բերա, Ծաղկի փողոց թիվ 2
- Արխտոդոմ աղա
- «Այս ճամփորդն օժտված էր զույգ մը խոշոր և սև աչքերով, զույգ մը հաստ, սև և երկար հոնքերով, զույգ մը մեծ ականջներով և զույգ մը քիթեր... չէ, չէ, մեկ քիթով, թեպետ և բայց զույգ մը քիթերու տեղ կրնար ծառայել. անոր մեծությունն սխալեցուց զիս: Ուներ այնպիսի նայվածք մը, որուն եթե պ. Վարդույան հանդիպեր յուր աչքերով, կը հարցուներ այդ մարդուն. «Ի՞նչ ամսական կուզես՝ թատրոնիս մեջ ապուշի դեր կատարելու համար»:

3....Նրանք շատ են ու բազմապիսի,

Յուրաքանչյուրն իր մեջ մի աշխարհ է ուրույն,

Եվ պատմում են նրանք մեզ աշխարհի մասին:

Խոսքերով անկրկնելի և անագորույն...

Եվ այս ամենը՝ մեծ մի դաշնություն կազմած,

Կազմած ուրույն մի կյանք, մի ինքնամփոփ աշխարհ-

Մեր տների փայտյա դարակներում բազմած՝

Ապրում են լուռ կյանքով և կենդանի են հար:

(1.5)

- Ինչի՞ մասին է գրում Ե. Չարենցը:

Պատասխան՝ Գրքերի

4.

- Ո՞րն է Լառ-Մարգարի համոզմունքը:

Պատասխան՝

- «Ծառդ պտուղ չի տար, ... գողության մի վարժեցուր»: /Մեջբերելը պարտադիր չէ/:

(2)

5. Սահուն քայլերով, աննշմար, որպես քնքուշ լույսի թև

Մի ստվեր անցավ ծաղիկ ու կանաչ մեղմիվ շոյելով,

Վաղորդայն թփերն օրորող հովի պես թեթև

Մի ուրու անցավ, մի փայլուն աղջիկ, նախշուն շորերով:

(2.5)

- Գտի՛ր Վ. Տերյանի բանաստեղծության փոխված բառերը և գրի՛ր ճիշտ տարբերակը: (2)
- Ո՞ր բանաստեղծությունից է քառատողը: (0.5)

Պատասխան՝

- Սահուն քայլերով աննշմար որպես քնքուշ **մութի** թև

Մի ստվեր անցավ ծաղիկ ու կանաչ մեղմիվ շոյելով

Իրիկնաժամին թփերն օրորող հովի պես թեթև

Մի ուրու անցավ մի **գունատ** աղջիկ **ճերմակ** շորերով:

- Քառատողը «Տիրություն» բանաստեղծությունից է:

6. Քաղաքի ցուցանակներից մեկի վրա գրված է.

«Իթաքա, Կալիֆոռնիա:

Ուր ուզում ես գնա, տնից լավ տեղ չկա...»...

(2.5)

- Վ. Սարոյանի «Մարդկային կատակերգություն» ստեղծագործության մեջ հանդիպող այս տողերը Թումանյանի ո՞ր փոխադրությունն են հիշեցնում: (1)
- Գրի՛ր բանաստեղծական տողերը: (1.5)

Պատասխան՝

- *«Ամենից լավ տունը»*
- *«Ման եկա, մայրիկ, աշխարհից աշխարհ,
Ամենից սիրուն, լավ տունը, որ կա,
Էս գորշ խրրճիթն է,
Էս հին խրրճիթն է,
Գետի եզերքին,
Ծառերի տակին»:*

7. Ղազարապատ-Ալեքսանդրապոլ-Էջմիածին-Գերմանիա-Ուկրաինա-Գերմանիա-Թուրքիա-Ավստրիա-Շվեյցարիա-Իտալիա-Ֆրանսիա-Հունաստան-Հայաստան.

(1)

- Հայ ո՞ր գրողի թափառումների ճանապարհն է ներկայացված:

Պատասխան՝ Ավետիք Իսահակյան

8.Լ. Շանթը գրում է, որ Գ. Զոհրապը բարոյական գաղափարներ ունենալով հանդերձ, զուտ գեղարվեստական մոտեցում ունի գրականության հանդեպ և նորավեպերում վարժապետություն չի անում:

(3)

➤ Ի՞նչ նկատի ունի Լ. Շանթը: (2)

➤ Գ. Զոհրապի նովելների ո՞ր շարքի խորագիրն է դրա ապացույցը: (1)

Պատասխան՝

- *Զոհրապը նորավեպերում կյանքի դրվագները ներկայացնում և հերոսներին կերտում է առանց խտացումների և չափազանցումների, այնպիսին, ինչպիսի կան, և բնավ նպատակ չի հետապնդում ընթերցողին խրատելու կամ նրան պատգամներ հղելու: Զոհրապի նպատակը արվեստագետի իր տաղանդով կյանքը ճշգրտորեն ներկայացնել է:*
- *«Կյանքը ինչպես որ է»:*

9.«Թանկ մարդու հիշատակին» հոդվածում Հովհ. Թումանյանը գրում է. *«Աշխարհում մարդիկ կան, որ ապրում են միայն իրենց համար, մարդիկ կան, որ ապրում են ուրիշներին տանջելու համար, մարդիկ էլ կան, որ ապրում են տանջվողներին օգնելու համար: Եվ, ավաղ, ամենից քիչը հենց սրանք են աշխարհքում »:*

(3.5)

➤ Իմաստային առումով նման ի՞նչ միտք էս հիշում Պ. Սևակից: (1.5)

➤ Որքանո՞վ է նրանց մտահոգությունը արդիական /ինքնուրույն հիմնավորում/: (2)

Պատասխան՝

Մարդ կա՝ ելել է շալակն աշխարհի,

Մարդ կա՝ աշխարհն է շալակած տանում: